

**ЎЗБЕКИСТОН РЕСПУБЛИКАСИ ВЕТЕРИНАРИЯ ВА ЧОРВАЧИЛИКНИ
РИВОЖЛАНТИРИШ ДАВЛАТ ҚЎМИТАСИННИГ
ҚАРОРИ**

**Ҳайвонларнинг эгаларидан идентификация қилиш хизматлари учун
ундириладиган тўловлар миқдори ва шартлари тўғрисидаги низомни
тасдиқлаш ҳақида**

Ўзбекистон Республикаси Президентининг 2019 йил 28 марта ги ПҚ-4254-сон “Ўзбекистон Республикаси Ветеринария ва чорвачиликни ривожлантириш давлат қўмитаси фаолиятини ташкил этиш тўғрисида”ги қарори ва Ўзбекистон Республикаси Вазирлар Маҳкамасининг 2017 йил 22 сентябрдаги 748-сон “Ҳайвонларни идентификация қилиш, уларни хисобга олиш, хисобдан чиқариш ва сақлаш тартибини такомиллаштириш тўғрисида”ги қарорига мувофиқ Ўзбекистон Республикаси Ветеринария ва чорвачиликни ривожлантириш давлат қўмитаси қарор қиласди:

1. Ҳайвонларнинг эгаларидан идентификация қилиш хизматлари учун ундириладиган тўловлар миқдори ва шартлари тўғрисидаги низом иловага мувофиқ тасдиқлансин.
2. Мазкур қарор расмий эълон қилинган кундан эътиборан уч ой ўтгач кучга киради.

Раис

Б. Норқобилов

Тошкент ш.,
2019 йил “01” август
07 -сон



Ветеринария ва чорвачиликни
ривожлантириш давлат қўмитасининг
2019 йил “01 август от -сон қарорига
ИЛОВА

**Ҳайвонларнинг эгаларидан идентификация қилиш хизматлари учун
ундириладиган тўловлар миқдори ва шартлари тўғрисида
НИЗОМ**

Мазкур Низом Ўзбекистон Республикаси Вазирлар Маҳкамасининг 2017 йил 22 сентябрдаги 748-сон “Ҳайвонларни идентификация қилиш, уларни ҳисобга олиш, ҳисобдан чиқариш ва саклаш тартибини такомиллаштириш тўғрисида”ги қарорига мувофик идентификация қилиш хизматлари учун ҳайвонларнинг эгаларидан ундириладиган тўловлар миқдори ва шартларини белгилайди.

1-боб. Умумий қоидалар

1. Мазкур Низом қоидалари туман (шаҳар) ветеринария ва чорвачиликни ривожлантириш бўлимлари томонидан кўрсатиладиган хизматларга нисбатан тадбиқ этилади.

2. Юридик ва жисмоний шахсларнинг ўз эҳтиёжлари учун саклаётган ёки тадбиркорлик фаолиятини амалга ошириш учун кўпайтираётган, боқаётган ҳайвонлари идентификация объекти бўлиб ҳисбланади.

**2-боб. Ҳайвонларни идентификация қилиш хизматлари
учун тўловлар миқдори ва шартлари**

3. Ҳайвонларни идентификация қилиш хизматлари учун ҳайвон эгаларидан қуидаги миқдорларда тўлов ундирилади:

хар бир қорамол, от, эшак ва туялар учун – Ўзбекистон Республикасида белгиланган базавий ҳисоблаш миқдорининг (кейинги ўринларда БҲМ деб юритилади) 2 фоизи;

хар бир кўй, эчки ва чўчқалар учун – БҲМнинг 1,5 фоизи;

хар бир ит ва мушуклар учун – БҲМнинг 1 фоизи.

Кўй ва эчкиларга гурух усулида ветеринария паспорти расмийлаштирилганда, идентификация қилиш хизматлари учун тўловлар кўй ва эчкиларнинг ҳар бирига алоҳида ундирилади.



4. Ветеринария паспорти йўқолганда ёки яроқсиз ҳолга келиб қолганда унинг дубликати бепул берилади.

5. Ҳайвонларни идентификация қилиш хизматлари туман (шаҳар) ветеринария ва чорвачиликни ривожлантириш бўлимлари ва ҳайвон эгалари ўртасида тузилган шартномага асосан амалга оширилади.

6. Шартномада ҳайвонларни идентификация қилиш хизматини кўрсатиш муддатлари, нархи, ҳисоб-китоб тартиби, томонларнинг хукуқлари, мажбуриятлари ва жавобгарлиги, шунингдек қонун хужжатларида белгиланган бошқа шартлар белгиланади.

7. Тўлов туман (шаҳар) ветеринария ва чорвачиликни ривожлантириш бўлимларининг бюджетдан ташқари шахсий ғазна ҳисобвараfiga юридик ва жисмоний шахсларнинг ихтиёрига кўра, чекланмаган ҳолда, тижорат банклари, электрон тўлов тизими ва бошқа тўлов турлари орқали, нақд ва нақдсиз шаклда амалга оширилади.


8. Туман (шаҳар) ветеринария ва чорвачиликни ривожлантириш бўлимлари тасдиқланган шаклдаги кирим ордери ва икки нусхада квитанцияни расмийлаштиради ҳамда пуллик тушумларнинг ҳисобини олиб боради.

Квитанциянинг бир нусхаси ҳайвон эгасига берилади, иккинчи нусхаси туман (шаҳар) ветеринария ва чорвачиликни ривожлантириш бўлимлари бухгалтериясида сақланади.

9. Туман (шаҳар) ветеринария ва чорвачиликни ривожлантириш бўлимлари ҳайвонларни идентификация қилиш хизматлари бўйича тушумларнинг статистик, бухгалтерлик ҳисоби ва ҳисботини олиб боради ҳамда худудий Ветеринария ва чорвачиликни ривожлантириш бошқармасига топширади.

Ветеринария ва чорвачиликни ривожлантириш бошқармаси ушбу ҳисботларни Ветеринария ва чорвачиликни ривожлантириш давлат қўмитасига юборади.

З-боб. Якунловчи қоидалар

10. Ҳайвонларни идентификация қилишда ветеринария муассасаси ва ҳайвон эгалари ўртасида тузилган шартномада кўрсатилган мажбуриятларни бажариш жараённада юзага келадиган низолар ва келишмовчиликлар музокара ўtkазиш орқали ҳал қилинади. 
Келишмовчиликларни музокара орқали ҳал қилишнинг иложи бўлмагандаги улар суд тартибида ҳал этилади.

11. Мазкур Низом талаблари бузилишида айбдор бўлган шахслар қонун хужжатларига мувофиқ жавоб берадилар.

12. Мазкур Низом Ўзбекистон Республикаси Молия вазирлиги, Савдо-саноат палатаси ҳамда Ўзбекистон фермер, дехқон хўжаликлари ва томорқа ер эгалари кенгаши билан келишилган.

Молия вазири

2019 йил “01” август



Д.Кучкаров

Савдо-саноат палатаси раиси

2019 йил “01” август

А.Икрамов



Ўзбекистон фермер, дехқон хўжаликлари
ва томорқа ер эгалари кенгаши раиси

2019 йил “01” август



А.Хайтов

